

O xornalista galego Iván Gil ferido polos antidisturbios de Madrid durante a folga do 14-N

Escrito por Redaccion @valminorinfo
Venres, 16 Novembro 2012 19:19



-O Colexio de Xornalistas condena a agresión sufrida polo fotógrafo Iván Gil de "EL Confidencial" durante a cobertura da folga xeral do 14-N.

-Un axente antidisturbios disparoulle unha pelota de goma a pesar que o xornalista ensinaba o seu cartón de prensa.

A Xunta de Goberno do Colexio Profesional de Xornalistas de Galicia (CPXG) condena con rotundidade a agresión sufrida polo xornalista de El Confidencial e membro do CPXG, Iván Gil, golpeado por un membro das Unidades de Intervención Policial, durante a celebración da Folga Xeral do 14-N.

Gil foi agredido ó fío das 21:15 do mércores, na rúa Atocha de Madrid, cando realizaba labores informativas seguindo con outros xornalistas a evolución dos incidentes que estaban a rexistrarse. El mesmo relata que o encarou coa arma un axente que portaba unha escopeta lanza-pelotas de goma, que disparou, pese a que o xornalista mostrou as súas credenciais profesionais. Un feito que este órgano colexiado dos xornalistas galegos considera moi grave.

O xornalista galego Iván Gil ferido polos antidisturbios de Madrid durante a folga do 14-N

Escrito por Redaccion @valminorinfo
Venres, 16 Novembro 2012 19:19

Iván Gil tivo que ser atendido na Fundación Jiménez Díaz onde lle diagnosticaron unha contusión pulmonar, e requiriu de tratamento específico.

O CPXG expresa o seu malestar e preocupación por este tipo de lamentables incidentes que atentan gravemente contra o dereito a informar e trasladará un escrito de queixa á Delegada do Goberno na Comunidade de Madrid, Dña Cristina Cifuentes.